



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**19 Februari 2025
20 Sya'ban 1446H**

SENARAI AKHBAR	TAJUK
Utusan Malaysia	•
Berita Harian	•
Harian Metro	•
Kosmo	•
Sinar Harian	• Maritim Malaysia buru nelayan rakus
The Star	•
New Straits Time	•
Nanyang Siang Pau	•
Malaysia Gazette	• myAP tingkatkan pengeluaran produk ikan sejuk beku
The Sun	•
Malaysiakini	•
Bernama	• Sektor Pemprosesan, Pengeluaran Produk Perikanan Jana Nilai Ekonomi RM64 Juta Tahun Lepas - DOF
BenarNews Malaysia [Online]	•
Guan Ming Daily	•
Sabah Media	•

Sektor Pemprosesan, Pengeluaran Produk Perikanan Jana Nilai Ekonomi RM64 Juta Tahun Lepas – DOF

🕒 19/02/2025 03:48 PM



PUTRAJAYA, 19 Feb (Bernama) -- Sektor pemprosesan dan pengeluaran produk perikanan di Malaysia menunjukkan pertumbuhan positif melibatkan penyertaan 667 usahawan aktif pada 2024, dan menghasilkan nilai ekonomi berjumlah RM64 juta, kata Ketua Pengarah Perikanan Datuk Adnan Hussain.

Beliau berkata pencapaian dicatatkan menerusi Program myAgropreneur (myAP) itu mencerminkan peranan penting industri pemprosesan perikanan dalam menyokong pembangunan ekonomi negara, sekaligus memperkukuh rantai nilai perikanan tempatan.

Berkongsi pencapaian usahawan MyAP dalam tempoh 2021 hingga 2024, Adnan berkata 138 usahawan terlibat dalam pengeluaran produk perikanan sejuk beku di seluruh negara dengan nilai ekonomi mencecah RM38 juta.

Johor mencatatkan jumlah usahawan tertinggi iaitu 26 orang diikuti Selangor dengan 21 orang dan masing-masing 20 orang bagi Kedah serta Pahang manakala selebihnya di negeri lain.

"Antara produk utama dihasilkan usahawan MyAP adalah makanan sejuk beku seperti keropok lekor yang terus mendapat permintaan tinggi pasaran domestik," katanya dalam kenyataan hari ini.

Adnan berkata Jabatan Perikanan (DOF) komited untuk terus menyokong pertumbuhan usahawan Industri Asas Tani (IAT) perikanan menerusi pelbagai inisiatif strategik, termasuk peningkatan kapasiti, latihan teknikal dan akses meluas terhadap pasaran.

Bagi memperluaskan pasaran produk sejuk beku, beliau berkata DOF menyokong usaha Perkhidmatan Logistik Ninja Cold oleh Ninja Van Malaysia kerana dapat memastikan penghantaran efisien dan mengekalkan kesegaran serta kualiti produk usahawan IAT.

"Inisiatif itu memberi kelebihan kepada usahawan untuk mengembangkan perniagaan ke pasaran lebih luas dengan sistem pengangkutan cepak dan terkawal," katanya.

-- BERNAMA

myAP tingkatkan pengeluaran produk ikan sejuk beku



KUALA LUMPUR- Seramai 138 usahawan Program myAgropreneur (myAP) di bawah Jabatan Perikanan Malaysia (DOF) terlibat dalam pengeluaran produk perikanan sejuk beku di seluruh negara dengan nilai ekonomi mencecah RM38 juta dalam tempoh 2021 hingga 2024.

Ketua Pengarah Perikanan Datuk Adnan Hussain, berkata, Johor mencatatkan jumlah usahawan tertinggi seramai 26 orang, diikuti Selangor (21), Kedah dan Pahang (masing-masing 20), manakala selebihnya beroperasi di pelbagai negeri lain.

Antara produk utama yang dihasilkan termasuk makanan sejuk beku seperti keropok lekor yang terus mendapat permintaan tinggi dalam pasaran domestik.

"Secara keseluruhan, sektor pemprosesan dan pengeluaran produk perikanan di Malaysia menunjukkan pertumbuhan positif dengan rekod seramai 667 usahawan aktif pada tahun 2024, menghasilkan nilai ekonomi sebanyak RM64 juta.

myAP tingkatkan pengeluaran produk ikan sejuk beku

"Peningkatan ini mencerminkan peranan penting industri pemprosesan perikanan dalam menyokong pembangunan ekonomi negara serta memperkukuh rantai nilai perikanan tempatan," katanya dalam satu kenyataan hari ini.

Tambah beliau, bagi memperluaskan pasaran produk sejuk beku ini, DOF turut menyokong pelancaran Perkhidmatan Logistik Ninja Cold dari Ninja Van Malaysia dalam memastikan penghantaran yang efisien, sekali gus mengekalkan kesegaran dan kualiti produk usahawan IAT.

Inisiatif itu katanya memberi kelebihan kepada usahawan dalam mengembangkan perniagaan mereka ke pasaran yang lebih luas dengan sistem pengangkutan yang lebih cekap dan terkawal.

Menurut Adnan, DOF komited untuk terus menyokong pertumbuhan usahawan IAT perikanan menerusi pelbagai inisiatif strategik, termasuk peningkatan kapasiti, latihan teknikal serta akses kepada pasaran yang lebih luas.- MalaysiaGazette

JENIS AKHBAR

UTUSAN MALAYSIA		KOSMO !		THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL			22	19.2.2025



Maritim Malaysia buru nelayan rakus

Seorang anggota Maritim Malaysia mengesan kedudukan bubu naga yang diharamkan penggunaannya.

Ubah lokasi, pasang GPS pada bubu naga elak dicekup

Oleh SITI ZUBAIDAH ZAKARAYA
KUALA KEDAH

Mengubah lokasi dan memasang alat peranti sistem kedudukan sejagat (GPS) pada bubu naga, antara taktik nelayan dalam penggunaan kaedah penangkapan ikan yang diharamkan.

Pengarah Zon Agensi Penguatkuasaan Maritim Malaysia (Maritim Malaysia) Kuala Kedah, Komander Maritim Noor Azreyanti Ishak berkata, antara taktik lain yang dikesan termasuk meletakkan pelampung sebagai penanda kepada penggunaan alatan larangan itu.

Menurutnya, bot ronda Maritim Malaysia menemui pelbagai taktik penyamaran yang digunakan bagi mengaburi mata pihak berkuasa sepanjang operasi khas rampasan bubu naga yang dijalankan dalam tempoh 36 jam bermula Jumaat lepas.

"Kita mengesan antara taktik yang digunakan adalah dengan mengubah lokasi semasa pemasangan bubu naga dan meletakkan pelampung penanda seperti botol, pancang kayu, gabus putih atau peranti GPS pada setiap bubu naga yang berukuran kira-kira 10 meter panjang itu," katanya dalam kenyataan pada Selasa.

Jelas beliau, dalam operasi terbabit, sebanyak 350 set bubu naga atau bubu kembang berjaya dirampas bernilai anggaran RM53,000.



Bubu naga yang dirampas oleh anggota Maritim Malaysia ketika melaksanakan operasi di perairan negara berdekatan Kuala Kedah.

Menurut Noor Azreyanti, operasi ini merupakan hasil pemantauan yang dilaksanakan di beberapa lokasi di sepanjang perairan Kuala Kangkong sehingga ke Kuala Kedah.

Menurutnya, kesemua bubu naga yang dirampas dibawa ke Jeti Zon Maritim Kuala Kedah untuk siasatan bawah Seksyen 11(3)(c) Akta Perikanan 1985.

"Maritim Malaysia tidak akan berkompromi terhadap sebarang aktiviti yang melanggar undang-undang dan sentiasa komited dalam meneruskan pengoperasian serta rondaan di sepanjang Zon Maritim Malaysia bagi mengekang aktiviti haram di perairan negara.

"Pihak Zon Maritim Kuala Kedah turut mengalu-alukan orang ramai bagi melaporkan sebarang aktiviti jenayah atau kecemasan di laut melalui talian 999 atau Pusat Operasi Maritim Malaysia Zon Maritim Kuala Kedah di talian 04-7310579," katanya.

INFO

Bubu naga antara kaedah penangkapan hasil laut yang tidak berlesen dan merupakan satu kesalahan di bawah undang-undang negara.

Ia memiliki spesifikasi yang berbeza dengan bubu yang dilesenkan Jabatan Perikanan kerana memiliki lebih dua injap bagi setiap unit bubu naga.

Bubu naga kebiasaannya diletakkan di muara sungai di antara 0.5 batu nautika hingga lima batu nautika kerana kawasan ini merupakan tempat pembiakan ikan, udang dan ketam.

Bubu naga diharamkan penggunaannya berikutan kaedah menangkap ikan itu mampu memerangkap serta mengancam hidupan laut yang lebih kecil selain merosakkan ekosistem dasar laut negara.